



Inatsisartunut ilaasortaq Siverth K. Heilmann, Atassut

Nassiunneqartoq e-mail atorlugu uunga: [inatsisartut@inatsisartut.gl](mailto:inatsisartut@inatsisartut.gl)

### **Alcoa pillugu § 37 naapertorlugu apeqqummut nr. 150-imut akissut**

19-07-2018  
Sagsnr 2018 - 14716

Inatsisartut suleriaasianni § 37, imm. 1 naapertorlugu Naalakkersuisunut apeqquteqarputit Alcoa-mik oqaloqateqarneq pillugu, erngup nukinga iluaqutigalugu nukissiuuteqarfiliorniarnermut atatillugu nunami Kangerlussuup eqqaaniittumi, Tasersiap tasiata eqqaani, aammalu Maniitsup qeqertaani aluminiumik aatsitsiviliorniarnermut atatillugu.

Postboks 1601  
3900 Nuuk  
Tlf. (+299) 34 50 00  
E-mail: [isiin@nanoq.gl](mailto:isiin@nanoq.gl)  
[www.naalakkersuisut.gl](http://www.naalakkersuisut.gl)

Apeqqutigisat uannut akisassanngorlugu innersuunneqarsimavoq, akissutigalugu uani ataani atuarsinnaavat.

#### **Apeqqut:**

**Kangerlussuup nunataani Tasersiap Tasersua iluaqutigalu, erngup nukiliorniarneq, kiisalu Maniitsup qeqertaani aluminium-imik "Alcoa" aatsitsiviliorniarnernanik pilersaaruteqarsimaneq piviusunngorsinnaaneralu oqaloqatigeeqqinnissaq siunertaralugu nangissallugit Naalakkersuisut pilersaaruteqarnerlutik?**

#### **Akissut:**

2016-imi Alcoa Naalakkersuisunut nalunaaruteqarpoq piffissami pineqartumi Maniitsumi suliniummik ingerlatitseqqinnissamik periarfissaqarnani, niuernermit atugassarititaasunik pissuteqartumik.

Oktober 2016-imilu Naalakkersuisut aamma Alcoa tamatumunnga atatillugu ilassutitut isumaqatigiissuteqarput (addendum) suleqatigiinnissamut isumaqatigiissummut pioreersumut ilassutaasumik (MoU) aluminiuliorfimmik ineriartortitsiniarneq pillugu.

Ilassutitullu isumaqatigiissutaasoq maanna atuuttusoq periarfissaqartitsivoq Alcoa suliniutaanut maannamut immikkoortinneqarsimasut erngup nukinganik iluaquteqarluni nukissiuuteqarfiliorsinnaasunut allanut avataaneertunit soqutiginnissinnaasunut soqutiginarsarneqarsinnaasoq, Naalakkersuisullu

taamatut iliorniarput.

Periarfissat pineqartut siunertanut allanut atorneqarsimassanngikkaluarpata, niuernikkut aluminiuliornermi pissutsit ajunngitsumik inissisimaleqqinneranni, taamalu nutaamik aatsitsiviliornissanut aningaasaliisoqarnissanut periarfissaqalerluni, taava aallaavittut ilimanarpoq Alcoap suliniut suli soqutigissagaa.

Inussiarnersumik inuulluaqqusillunga

Aqqalu Jerimiassen

